



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-11-7027/21
Sarajevo, 04.03.2021. godine

Na osnovu člana 62. stav 1. tačka 2. Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, broj 45/12 - Prečišćen tekst, 26/14, 46/17, 18/19, 20/20 i 24/20 - Ispravka), člana 3. pod tačkom b), te čl. 18., 19., 20. i 21. Pravilnika za utvrđivanje prava na dodjelu jednokratne novčane pomoći i prava na obezbjeđenje ogrjeva („Službene novine Kantona Sarajevo“, broj 5/21), a u skladu s tačkom 28. pod „b“ Javnog oglasa za podnošenje zahtjeva za ostvarivanje dopunskih prava porodica šehida i poginulih boraca, ratnih vojnih invalida i demobilisanih boraca u Kantonu Sarajevo za 2021.godinu, broj 06-37-4838/21 objavljenog u listu „Dnevni avaz“ dana 19.02.2021.godine, Ministarstvo za boračka pitanja Kantona Sarajevo, o b j a v l j u j e

JAVNI POZIV
ZA PODNOŠENJE ZAHTJEVA ZA OSTVARIVANJE PRAVA NA OBEZBJEĐENJE
JEDNOKRATNE NOVČANE POMOĆI U VIDU PREHRAMBENIH I HIGIJENSKIH
ARTIKALA BORAČKOJ POPULACIJI U KANTONU SARAJEVO

Predmet Javnog poziva je ostvarivanje prava na obezbjeđenje jednokratne novčane pomoći u vidu prehrambenih i higijenskih artikala borcima-braniteljima Bosne i Hercegovine iz sredstava Ministarstva za boračka pitanja Kantona Sarajevo planiranih Budžetom Kantona Sarajevo za 2021. godinu.

Na ovaj Javni poziv zahtjeve mogu podnositi pripadnici boračke populacije sa područja Kantona Sarajevo koji ispunjavaju uslove propisane čl. 1. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12 - Prečišćen tekst, 26/14, 46/17, 18/19, 20/20 i 24/20 -Ispravka) (u daljem tekstu: Zakon) i to: članovi porodica šehida, članovi porodica poginulih umrlih i nestalih branioca, ratni vojni invalidi i članovi njihovih porodica, dobitnici ratnih priznanja i odlikovanja, članovi porodica poginulih, umrlih i nestalih dobitnika ratnog priznanja i odlikovanja, demobilizirani branioci, dobrovoljci, organizatori otpora, veterani, ratni vojni zarobljenici i mirnodopski vojni invalidi, a u skladu sa Pravilnikom za utvrđivanje prava na dodjelu jednokratne novčane pomoći i prava na obezbjeđenje ogrjeva („Službene novine Kantona Sarajevo“, br.5/21), (u daljem tekstu: Pravilnik).

1. OBLIK OSTVARIVANJA PRAVA

Pravo na dodjelu jednokratne novčane pomoći u vidu prehrambenih i higijenskih artikala boračkoj populaciji u Kantonu Sarajevo ostvaruju lica na način da će se gore navedena pomoć preuzimati na određenoj lokaciji, putem izabranog najpovoljnijeg ponuđača, izabranog u skladu sa Zakonom o javnim nabavkama Bosne i Hercegovine (“Službeni glasnik BiH”, broj 39/14), a na osnovu dostavljenih spiskova od strane Ministarstva za boračka pitanja Kantona Sarajevo.

Pod pojmom novčane pomoći u vidu prehrambenih i higijenskih artikala u ovom slučaju smatra se tipski paket sa osnovnim životnim namirnicama i higijenskim artiklima u iznosu visine

vrijednosti koju ministar svojom odlukom utvrđuje svake godine, imajući u vidu porast troškova života u prethodnoj godini i raspoloživih budžetskih sredstava za ove namjene.

2. KORISNICI PRAVA

Pravo na dodjelu jednokratne novčane pomoći u vidu prehrambenih i higijenskih artikala boračkoj populaciji u Kantonu Sarajevo imaju socijalno najugroženiji pripadnici boračke populacije i to:

- a) lica koja ispunjavaju uslov određen članom 18. stav 1. Pravilnika kojim je određeno da imaju prebivalište-boravište na području Kantonu Sarajevo najmanje (10) deset godina neprekidno do dana objave javnog poziva za ostvarivanje ovog prava, a nalaze se u stanju socijalne potrebe.
- b) ako su u propisanom roku ovog Javnog poziva predali potpunu dokumentaciju.

3. KRITERIJI ZA PRIORITETNO RJEŠAVANJE PODNEŠENIH ZAHTJEVA

Članom 21. stav 1. Pravilnika su određeni kriteriji za ostvarivanje prava na dodjelu jednokratne novčane pomoći u vidu prehrambenih i higijenskih artikala i to:

- 1) pripadnost kategoriji lica iz čl. 1. Zakona, lica težeg imovnog stanja čiji ukupni prihod ne prelazi 17 % od prosječne plaće u Kantonu Sarajevo u prethodnoj godini po članu domaćinstva (200,43 KM);
- 2) teže zdravstveno stanje podnosioca zahtjeva ili članova njegovog porodičnog domaćinstva;
- 3) veći broj članova porodičnog domaćinstva;

Prioritet za ostvarivanje ovog prava pod jednakim uslovima imaju podnosioci zahtjeva koji u prethodne dvije (2) godine nisu bili korisnici ovog prava, kao ni druga prava iz oblasti socijalne zaštite putem dodjele jednokratne novčane pomoći.

4. POTREBNA DOKUMENTACIJA

a) Obavezna dokumentacija koju dostavljaju svi podnosioci zahtjeva za dodjelu prehrambenih i higijenskih artikala:

1. dokaz da je lice iz člana 1. Zakona o dopunskim pravima boraca - branitelja Bosne i Hercegovine:

- a) Za branioca, dobrovoljca, organizatora otpora i veterana - Uvjerenje grupe za pitanja evidencija iz oblasti vojne obaveze o učešću u OS RBiH (**obrazac FMB-3a**) (Izdaje Grupa za pitanja evidencija iz oblasti vojne obaveze za područje općine prema mjestu prebivališta/boravišta);
- b) Za porodice šehida i porodice poginulih, umrlih i nestalih branilaca - Reviziono rješenje o priznavanju prava na porodičnu invalidninu i uvjerenje da je i dalje korisnik porodične invalidnine (Izdaje općinska služba za boračko - invalidsku zaštitu prema mjestu prebivališta/boravišta);
- c) Za ratnog vojnog invalida, mirnodopskog vojnog invalida - Reviziono rješenje o ličnoj invalidnini i uvjerenje da je i dalje korisnik lične invalidnine (Izdaje općinska služba za boračko - invalidsku zaštitu prema mjestu prebivališta/boravišta);
- d) Za dobitnike ratnih priznanja i odlikovanja i člana porodica poginulih, umrlih i nestalih dobitnika ratnih priznanja i odlikovanja - Rješenje o ostvarivanju novčane naknade za dobitnike ratnih priznanja (Izdaje općinska služba za boračko - invalidsku zaštitu prema mjestu prebivališta/boravišta);

2. Uvjerenje o kretanju za podnosioca zahtjeva (Izdaje Policijska uprava po mjestu prebivališta/boravišta);

3. Uvjerenje Službe za zapošljavanje ukoliko je podnositelj zahtjeva nezaposlen, kao i za njegove nezaposlene članove porodičnog domaćinstva; (Izdaje ispostava Službe općine po mjestu prebivališta/boravišta) ;
4. Kućnu listu ; (Izdaje se i ovjerava u općini po mjestu prebivališta/boravišta) ;
5. Medicinska dokumentacija podnosioca zahtjeva i članova njegovog porodičnog domaćinstva;
6. Dokaze o ukupnim mjesečnim primanjima podnosioca zahtjeva i članova njegovog porodičnog domaćinstva po osnovu: radnog odnosa, boračko-invalidske zaštite, penzije, samostalne djelatnosti i drugih osnova;
7. Uvjerenje da podnositelj zahtjeva, kao ni punoljetni članovi njegovog porodičnog domaćinstva nisu evidentirani kao poreski obveznici i da nemaju duga po osnovu javnih prihoda. (Izdaje Porezna uprava općine po mestu boravišta/prebivališta);
8. Rodni list za podnosioca zahtjeva koji su samci, a bili su u bračnoj zajednici, sa napomenom o trenutnom bračnom stanju (upisan smrtni list bračnog druga, npr.udovac/udovica, ili rješenje o razvodu braka, npr. razveden/razvedena);

5. LICA KOJA NE MOGU OSTVARITI PRAVO

Saglasno Zakonu pravo na dodjelu jednokratne novčane pomoći u vidu prehrambenih i higijenskih artikala ne mogu ostvariti:

1. Podnosioci zahtjeva koji nemaju prijavljeno prebivalište/boravište na području Kantona Sarajevo najmanje (10) deset godina neprekidno do objave ovog Javnog poziva ;
2. Podnosioci zahtjeva koji su Oružane snage RBiH samovoljno napustili, odnosno da postoji razlog u smislu člana 36. Zakona o pravima branilaca i članova njihovih porodica (“Službene novine Federacije BiH“, br. 33/04, 56/05, 70/07 i 9/10 i 90/17);
3. Podnosioci zahtjeva koji su podnijeli zahtjeve sa nepotpunom dokumentacijom;
4. Podnosioci zahtjeva koji nisu podnijeli zahtjeve u propisanom roku ovog Javnog poziva;
5. Podnosioci zahtjeva za koje Ministarstvo za boračka pitanja Kantona Sarajevo provjerom ustanovi da su dali netačne podatke;
6. Podnosioci zahtjeva kojima su dodjeljene novačne pozajmice za otvaranje radnih mjesta I novačne pozajmice za rješavanje stambenih potreba, a nisu uredno izvršili povrat dodjeljenih sredstava ili ne izvršavaju redovno preuzete obaveze vraćanja dodjeljenih sredstava.

6. ROK PODNOŠENJA ZAHTJEVA

Prijem zahtjeva Ministarstvo za boračka pitanja Kantona Sarajevo će vršiti od dana objavljivanja Javnog poziva, do dana **31.03. 2021.** godine.

7. MJESTO PREUZIMANJA ZAHTJEVA

Zahtjevi na posebno propisanim obrascima za 2021.godinu mogu se preuzeti putem web stranice Ministarstva za boračka pitanja Kantona Sarajevo (www.mbp.ks.gov.ba), općinskih službi za BiZ i boračkih udruženja po mjestu prebivališta/boravišta.

8. MJESTO PODNOŠENJA ZAHTJEVA

Za priznavanje i ostvarivanje navedenog oblika prava, podnose se zahtjevi na posebno propisanim obrascima za 2021.godinu sa potrebnom dokumentacijom na slijedeću adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo **preporučeno putem pošte**, sa naznakom na koverti: **“ZA PREHRAMBENE I HIGIJENSKE ARTIKLE”**.

Informacije koje se odnose na predmet Javnog poziva mogu se dobiti putem telefona infopunkta Ministarstva za boračka pitanja Kantona Sarajevo telefon: 033/562-273.

9. OBRADA ZAHITJEVA

Nakon završene obrade zahtjeva i formiranja liste lica koja su u skladu sa ovim Javnim pozivom, Zakonom i Pravilnikom ostvarili naznačeno pravo, Ministarstvo za boračka pitanja Kantona Sarajevo objaviće Obavještenje u sredstvima javnog informisanja i web stranici Ministarstva za boračka pitanja Kantona Sarajevo (www.mbp.ks.gov.ba), da će rezultati biti dostupni na web stranici Ministarstva za boračka pitanja Kantona Sarajevo i putem telefona infopunkta Ministarstva za boračka pitanja Kantona Sarajevo (telefon: 033/562-273).

NAPOMENA:

- **Obavezno predavati fotokopije dokumenata koje moraju biti ovjerene ili original dokumenta, ne starijih od (6) šest mjeseci uključujući i medicinsku dokumentaciju.**
- **Određene procedure koje se odnose na aplikativni dio (prikupljanje, prijem i predaju zahtjeva) je potrebno ispoštovati kako bi se izbjegla nepotrebna okupljanja u prostorijama ministarstva i šalter Sali Kantona Sarajevo, a u cilju zaštite zdravlja i sprečavanja širenja pandemije Covid-19.**
- **Predata dokumentacija se neće vraćati podnosiocima zahtjeva.**
- **Nepotpuni i neblagovremeni zahtjevi se neće uzeti u razmatranje.**



MINISTAR

Dr. sc. Omer Osmanović

eb: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića

